

Von bestellung eynes Meyerhofs. 21

oder vnschacken/ vnd also die Steyn tieff genug inns Erdrich vergraben / vnd sie darnach mit grund bedecken vnd erschütten.

Besteht dann die Meyerei des mehrer theyl im Gehölz vnd Walb / vnd wildem Pusch vnd gesträuß/ so muß man Brackäcker darauff machen / so man das Holz gesället hat/ vnd mit den Wurzeln außgerottet vnd außgehacket. Oder ist des Holzes nicht so vil/ so ist es genug wann mans abhawet vnd außbrennet/ vñ es darnach vberackert. Vnd solch New Bawfeld hat im brauch die erste Jar vil zu tragen / dieweil die krafft vnd safft vñ das vermögen/ welches es zu vor zu ernewerung vnd auffbringung der Bawm/ pösch vñ Kräuter hat angeleget/ nun ganz auff die frucht / so an die statt gesäyet wird / angewendet. Oder dieweil/ demnach es von vilen Jaren her wol ermästet vnd erbessert worden / vom abgefällenen Laub vnd den verfaulten vnd erstecten Kräutern/ welche es von natur trug/ eh es erprachet ward/ darnach genugsam krafft bekompt cyn grossen vberfluß der frucht zutragen vnd zu ernehren: daruñ wann es seiner ersten nahrung beraubt wird / so ermagert es mit der zeit/ vnd verliert die safft vnd krafft/ die verdeckter weiß sie vntertheylen / vnd bleibt derhalben nicht so fruchtbar als zu anfang.

Die Sandige örter kan man mit Mist vnd Mergel verbessern: welche doch on dise weiß/ zuzeiten durch mittel cyns Wassers/ so vnter dem Erdrich riñt/ an etlichen enden/ seine Herzen mit im schadē stehen laßet: Alleyn man muß es ruhē lassen/ welches dz fürnemst mittel für ire schwachheit ist/ dz man sie nit alle jar mit eynereley Samen/ sonder diß jar mit Roken/ dz ander mit Linsen vñ bonen/ oder der gleichē hülsen frucht vnd gemüß besäie. Weiß vñ weg solch Erdrich zuerkenen ist gemeyn/ wann d sand feist vñ rot sprecht oder tuncfelgäl ist/ so ist er gut zu eim Kornfeld: Ist er aber weiß vñ düñ/ so ist er gut für holz vñ wilde frucht.

Also muß man sich allwegen nach seines Gebiets vnd begriffs art vnd Natur richten/ inn denselbigen ding säyen vnd pflanzen nach gelegenheit der gegene/ was cyner jeden zusticht/ vnd jede ertragen mag/ vnd jm zu Nus vnd dienst mag bekoñen. Als mit allerley Ruchenspeiß oder geköchels/ mit Hirsen/ Sursamen/ Buswenken/ Heydel/ Keiß/ Linsen/ Wicke vnd anderem/ welches nicht vil feyst Erdrich erhenschet.

Das fest vnd satt Land ist gut für Raben / vnd bringen auch zimlich Weysen vnd Korn/ doch das eyn trocken Jar sei/ insonderheit im Meyen/ aber sonst wenig anders einloñens. Auch wanns im Jar vil Regen gibt/ bringets wenig Kern/ vnd vil Sprewer.

Der rauh/ roh / vnd verwildet Boden ist gar schwärlich zuerbawen/ vnd trägt weder Korn noch ander ding/ on mit grosser müh/ wie temperiert auch die Jarzeit sei mit Regen vnd trockenem Wetter. Aber solchen Boden zu verbessern / so muß man in wol zerackert/ ergraben/ vntertüngen vñ misten: damit werd jr in fruchtbar machen/ vñ schaffen das in der Sonnen hitz minder schade/ auch von Winden/ frost vnd Eis des sicherer sei. Aber vor allem so secht vnd begert jm feyn Regen/ dann Wasser ist sein giff.

Der leynechte feyst vnd starck Grund/ wie das Land vñ Broffe/ vñ an vilen orten inn Partois/ der muß mit größern vñ tieffern Forchen crackert werden/ beydes zum Acker baw vnd zu anderem: oder hin vnd wider an sondern enden mit tief eingefakten Steynen/ die mit guter satter Erd gefüttert seien / versetzt sein / darmit das Wasser welches gern inn solchem grund einreisset/ sich nit so leichtlich ergiessen möge/ von den Wassern/ die von natur damit vermāngel sint/ vnd vom schleim der Erden sich nit so leichtlich außgiessen mögen. Solcher Boden ist nicht so gar gut für die Bawm noch für die Raben/ on alleyn für etliche Bawm/ so frucht tragen/ doch das man sie wol bawe vnd jrer wol warte.

Wolt jr dann eyn Haus darauff setzen / so setzets inn die höch vnd auff festem boden/ nahe bei den Bach oder fluß/ vnd schickt euch zum theyl gegen Aufgang / zum theyl gegen Wittnacht: dieweil sonst das ort fauler art vnd vngesunder Luft ist.

Das freidecht oder rötelsteynecht Land/ wiewol es sehr vnfruchtbar ist/ ist es doch meh gesund: man muß es aber verbessern/ vñ gefolgig vñ geschlacht machen mit dem/ dz jm angeartet ist/ vñ am libsten plegt zutragen. Dan dz fürnemst dz eim Meyer zusticht/ ist/ dz er seines grund vñ bodens natur erken/ vñ nit vnterstande in zuzwingen/ diß zubringen vñ zutragen/ dz jm zuwider ist/ wie sehr man jm auch hilfft vñ in verbessert: sintemal man spricht

Gehölzige waldige örter zuerbawen.

Warumb waldige örter erstlich vil tragen/ wann sie erbawet werden.

Sandiger Boden zu verbessern

Am Sand zusehen was zu der Boden tauget.

Hart fest Land.

Grob vngeschlachtet Boden.

Feystleynecht Feld.

Wo dz Haus inn leynechter gegene zu setzen.

Meyer soll feyn Land/ zwingen sein.